

[Printo]

[Google Translate]

VENDIM

Nr.385, datë 19.5.2010

PËR NJË SHITESË NË VENDIMIN NR.538, DATË 26.5.2009 TË KËSHILLIT TË MINISTRAVE "PËR LICENCAT DHE LEJET QË TRAJTOHEN NGA APO NËPËRMJET QENDRËS KOMBËTARE TË LICENCIMIT (QKL) DHE DISA RREGULLIME TË TJERA NËNLIGJORE TË PËRBASHKËTA", TË NDRYSHUAR

Në mbështetje të nenit 100 të Kushtetutës, të neneve 15, pikat 1 e 2, shkronja "a" e 36 të ligjit nr.10081, datë 23.2.2009 "Për licencat, autorizimet dhe lejet në Republikën e Shqipërisë", dhe të nenit 66 të ligjit nr.9072, datë 22.5.2003 "Për sektorin e energjisë elektrike", të ndryshuar, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

1. Pas aneksit 3, që i bashkëlidhet vendimit nr.538, datë 26.5.2009 të Këshillit të Ministrave, të ndryshuar, shtohet aneksi 4, që i bashkëlidhet këtij vendimi.
2. Kërkesat për licenca, leje, autorizime, certifikata dhe për çdo akt tjetër administrativ, që lidhet me veprimtaritë e përcaktuara në ligjin nr.9072, datë 22.5.2003 "Për sektorin e energjisë elektrike", të ndryshuar, trajtohen sipas aneksit 4, të përmendur në pikën 1 të këtij vendimi.
3. Licencimi i projekteve energjetike sipas aneksit 4 fillon më 9.6.2010.
4. Subjektet zhvilluese të veprimtarive në sektorin e energjisë elektrike, që kanë bërë kërkesa për licenca, leje, autorizime, certifikata apo akte të tjera administrative, konkrete, para datës së hyrjes në fuqi të këtij vendimi, vendosin vetë, nëse do të vazhdojnë procedurën e nisur apo do të rinisin procedurën sipas këtij vendimi për njëherë apo disa nga kërkesat.
5. Vendimi nr.913, datë 26.8.2009 i Këshillit të Ministrave "Për krijimin e Qendrës Kombëtare për Aplikimet Energjetike", shfuqizohet.
6. Ministria e Ekonomisë, Tregtisë dhe Energjetikës dhe Qendra Kombëtare e Licencimit të marrin të gjitha masat për nisjen e procesit të licencimit sipas aneksit 4, të përmendur në pikën 1 të këtij vendimi, brenda datës 9.6.2010.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI

Sali Berisha

ANEKSI 4

PËR LICENCIMIN NË SEKTORIN E ENERGIJËS ELEKTRIKE

1. Licencimi në kuptim të këtij aneksi përfshin licenca, leje, autorizime, certifikime dhe çdo akt tjetër administrativ që lidhet me veprimtari në sektorin e energjisë elektrike.
2. Kur kërkesa për licencim lidhet me një nga kategoritë dhe/ose nënkategoritë e licencave sipas aneksit I të këtij vendimi, ajo trajtohet nga QKL, sipas procedurave përkatëse.
3. Kur kërkesa lidhet me një nga kategoritë dhe/ose nënkategoritë e licencave sipas aneksit II të këtij vendimi, apo kur është një autorizim, certifikim a një akt tjetër administrativ në kompetencë të institucioneve qendrore ajo trajtohet sipas procedurave të grupit III të licencave. Kriteret, procedurat dhe afatet e shqyrtimit të kërkesës nga institucioni qendror përgjegjës janë ato të përcaktuara nga legjislati në fuqi. Parimi i miratimit në heshtje zbatohet vetëm kur ky është parashikuar shprehimisht në legjislatin përkatës në fuqi.
4. Kur kërkesat për licencim lidhen me kompetenca të institucioneve të pavarura, ajo bëhet drejtpërdrejt në institucionin përkatës, i cili e shqyrton atë sipas legjislatit në fuqi. Parimi i miratimit në heshtje zbatohet vetëm kur ky është parashikuar shprehimisht në legjislatin përkatës në fuqi. QKL verifikon nëse këto institucione shpallin në regjistrë kërkesat dhe vendimet e marra për to. Kërkuesi mund të njoftojë dhe dokumentojë pranë QKL-së kërkesën e bërë pranë një institucioni të pavarur. Me marrjen e

njoftimit nga regjistri dhe/ose nga kërkuesi, QKL ndjek, nxit e lehtëson procesin e trajtimit të kërkesës nga institucioni i pavarur përgjegjës.

5. Kërkuesi zgjedh vetë nëse do të bëjë kërkesë në grup, një e nga një, kërkesë me një apo më shumë faza, si dhe radhën e bërjes së kërkesave. QKL këshillon kërkuesit për mënyrën më të përshtatshme të kryerjes së kërkesave sipas specifikave të veprimtarisë konkrete.

6. Për çdo veprimtari konkrete në sektorin e energjisë elektrike, QKL krijon një dosje të veçantë në regjistër me të gjitha kërkesat e lidhura me këtë veprimtari konkrete.

7. QKL lehtëson procesin e shqyrtimit të kërkesave edhe nëpërmjet komunikimeve, takimeve individuale apo në grup me institucionet e tjera përgjegjëse qendrore apo të pavarura, si dhe informon ministrin dhe Kryeministrin, lidhur me ecurinë e procesit të licencimit të çdo projekti energjetik.

8. Në rastin e veprimtarive që kushtëzohen nga lidhja e një kontrate koncesionare, pikat e mësipërme të këtij aneksi zbatohen pas lidhjes së një kontrate të tillë.

9. QKL këshillon ministrin dhe institucionet e tjera me rol në një procedurë koncesionare me qëllim që kriteret e garës dhe kontrata koncesionare të shërbejnë, për aq sa është e përshtatshme, edhe për ezaurimin automatik të sa më shumë kriterëve e procedurave që lidhen me licencimin pas lidhjes së një kontrate të tillë.

Copyright 2015 - www.ligjet.org